

## Nirxandin li Trafikskadenämnden'ê

Heger tu yan jî xizmekî te yê nêzik di qezayeke trafikê de zîrar dîtibe, hingê Trafikskadenämnden (Encumena Zîrarên Trafikê) dikare tezmînata şirketa sîgorta we ya zîrarê binirxîne, muhakeme bike. Serlêdan û birêvebirina dozê li vê encumenê bi zîmanê swêdî pêk tê. Nirxandina dozê bêpere ye. Dîtin û lênerîna Trafikskadenämnden'ê ji şirketa sîgorteyê re şîret e. Trafikskadenämnden du celeb dozên diceribîne; dozên mecbûrî û dozên çareserkirina nakokiyên. Ev belgeya agahdariyê bi mijarên çareserkirina nakokiyên ve girêdayî ye.

### Dozên mecbûrî

Di hin rewşan de, şirketa we ya sîgorteyê divê doza we ji bo lêkolînê pêşkêşî Trafikskadenämnden'ê bike. Gava bo nimûne, heger seqetiya bijîjkî bi kêmtî ve ji sedî deher be. Pêdivî ye ku nirxandin bêyî ku hûn û şirketa we ya sîgorteyê bipejirînin an na dîsan bê çêkerin.

Heger Trafikförsäkringsföreningen (TFF), (Komeleya Sîgortayên Trafikê-TFF) y e ku doza we bi rê ve dibe, TFF jî di hin rewşan de divê doza we ji bo vekolînê pêşkêşî Trafikskadenämnden'ê bike.

Gava mijara te mecbûrî ye, tu dikarî logîn bikî û doza xwe bi dijîtalî bişopî.

Şirketa we ya sîgorteyê doza we dinirxîne û memorandûmekê bo encumenê berhev dike. Ew pêşniyara şirketa sîgorteyê ya ji bo tezmînatê vedihewîne, hûn li ser pêşniyarê çî dihizirin (helwesta we) û belgeyên ku bo vekolîna Trafikskadenämnden'ê têkildar in. Berî ku doz ji me re bê şandin, şirketa sîgorteyê memorandûma encumenê ji we re dişîne.

### Ma ez dikarim bi xwe serî li Trafikskadenämnden'ê bidim da ku doza min were darizandin?

Heger doza we mecbûrî be, hûn bi xwe nikarin serî li Trafikskadenämnden'ê bidin.

### Nirxandin/muhakemekirin çawa dibe?

1. Şirketa we ya sîgorteyê doza we ji Trafikskadenämnden'ê re dişîne.
2. Doza we tê qeydkirin û di civînekê de tê nirxandin. Paşê nêrînek tê nivîsîn ku Trafikskadenämnden hatiye ser çî biryarî.
3. Piştî nirxandinê, dîtina Trafikskadenämnden'ê ji we û ji şirketa sîgortayê re tê şandin.
4. Şirketa we ya sîgorteyê dê nirxandina xwe ji we re bişîne.

### Nirxandina doza we li Trafikskadenämnden'ê çend dirêj dajo?

Dema lênerîna dozê bi gelemperî di navbera sê û şeş mehan de ye. Di hin rewşan de, dema pêvajoyê dikare were dirêjkerin.

**Divê belge bi kîjan zimanî bin?**

Nirxandina li Trafikskadenämnden'ê bi zimanê swêdî tê kirin.

**Erkên nûnerê qanûnî çi ne?**

Li Trafikskadenämnden'ê wekîlekî we dikare hebe ku li dema darizandinê alîkariya we bike, lê ev ne pêdivî ye. Heger we wekîlekî bivê, şirketa sîgorteyê ye ku biryarê dide ka Sîgorteya trafikê lêçûnên wekîlî bide yan na. Heger nede hingê divê hûn bi xwe bidin.

**Gelo ez dikarim beşdarî civîna Trafikskadenämnden'ê bibim?**

Gava ku doza we tê darizandin hûn an nûnerê we nikarin li wir amade bin. Nirxandin tenê li ser bingeha belgeyên nivîskî ye, çêdibe.

**Ma pêdivî ye ku şirketa min a sîgorteyê nêrîna Trafikskadenämnden'ê bişopîne?**

Trafikskadenämnden dîtineke nivîskî ya ku şewirmendî ye pêşkêş dike. Rastiya ku raman şewirmendî ye, tê vê wateyê ku şirketa sîgorteyê ne gerek e ku li gor pêşniyarê here. Lê tiştê neasayî ye ku şirketa sîgorteyê li pey ramanê neçe.

**Ma ez dikarim îtirazê li ser dîtina Trafikskadenämnden'ê bikim?**

Îtiraza li pêşniyara Trafikskadenämnden'ê ne mumkun e. Heger hûn ji pêşniyarê ne razî bin an jî şirketa sîgorteyê li gor pêşniyar bûye biryara xwe neguhezîne, hingê we derfet heye ku hûn li dadgeha giştî dozekê vekin. Biryara şirketa sîgorteyê ye ku di rewşên weha de dikare li dadgehê were darizandin û ne raya Trafikskadenämnden'ê. Ji bo bêhtir agahdarî li ser tiştên ku di rewşeke weha de derbas dibe, divê hûn bi şirketa sîgorteyê re têkilî daynin.

**Agahiyên bêhtir dikarin li ser vê malperê bibînin: [www.trafikskadenamnden.se](http://www.trafikskadenamnden.se)**